



EST



Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5396/A







Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5396/A





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5396/A




Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5396/A



5396 | A


G. x. c

16





















































**Ein Regiment**  
**der yhenen / so durch**  
 Gottes verhengung / ynn die  
 newe Schwitzende seuche  
 plötzlich fallen.

Das Gott so balde Ergney vil  
 rath gibt yhn solcher schwein-  
 den not / ist anders nicht denn  
 das Habacuc gesungen hat  
 yhm. 4. Ca. Wenn trübsal da  
 ist / so denckestu **JEK** der  
 barmherzigkeit.

o'o

94 f. 11



**D**as ist ein Regiment für die so ynn die newe Schwingende seuche plötzlich fallen. Welche seuche auch heysset Morbus Anglicus/ das ist/ die Engelandische seuche odder Calse etliche verkürzen/ die Engellische seuche/ sie möchte wol einen ergern namen haben/ Denn wie wir zu vorn Morbum Gallicum ex Gallia/ das ist/ die Franztose von den Franzosen oder aus Frankreich gekriegen haben/ Also ist izt auch diese Seuche aus Engeland von der See an bis an Magdeburg gekommen. Sie hat ynn Engelland schier vierzig iar lang regiret/ In welcher ein mensch nicht kan vber. xxiiij. stunden leben. Dis Regiment aber/ hat nicht alleine etliche leute/ sondern auch ganze grosse Stedte solcher seuchen frey gemacht. Das ist Gotes barmherzigkeit mittē yhm zorn. Iderman ruffe an Göttliche gnade vnd barmherzigkeit/ vnd sey ynn dieser frembdē schwingenden seuche gewarnt. Zum Ersten/ weil diese seuche/ gleich



ein Be  
die so ym  
wende se  
sollen w  
ich besit  
glichen d  
eod. Cal  
glichen  
tannman  
Widum  
de Franz  
ne Jean  
it. y. v. s  
von der  
Eman.  
wangs  
menschen  
den die  
schwe  
Steds  
Das ist  
m ym  
grunde  
deser  
unser  
gleich

wie alle andere plagen / vmb vnge ho  
sam vnd verachtung der gebot vnd des  
heiligen worts Gottes / vns on zweiffel  
wird zugeschickt / wie geschrieben steht  
Deutero. 28. Leuiti. 26. Welchs wort er  
auch sonderlich ynn dieser zeit gnedig  
lich vñ reichlich vns widder offenbaret /  
So wil fur allen dingen von hohen nö  
ten sein / das wir vns keren zu Gottes ge  
horsam / weil vns die gnad durchs Euan  
gelion vnsers lieben **HERRN JHE  
SU CHRISTI** wird angeboten /  
vnd das wir / wie der verloren sone / Luc.  
15. beschrieben / gnad vnd barmhertziga  
keit / das ist / verggebung der sunden vnd  
ewige seligkeit erlangen / durch vnsern  
einigen mitler Ihesum Christum vnsern  
**HERRN AMEN.**

Nächst solcher zuuersicht auff Gots  
tes barmhertzigkeit ynn Christo / mus  
der Francke vnd die Bey yhm sind / des  
eussertlichen regiments acht haben / wie  
nach geschrieben.

**Von der seuche vnd  
hülfflichem Regimente ynn der seuche.**



Etliche werden betrübt / vnd es  
kompt sie an mit einer kälte / odder mit  
einem grawen odder mit beßen.

Die andern kompt es an mit einer  
hitz / mit schweiß odder mit angst /  
welche auch wenig beßen.

Etliche kompt es an ym schlaffe / also  
das man ym auffwachen beginnet zu  
schwizen.

Etliche doch selden / widderferet  
solches aus vberschwenglicher arbeit /  
auch wol aus vielem hitzigen getrenckē.

Iderman der solchs / wie gesagt /  
an sich mercket / so er yhm bette ligt /  
sol yhm bette bleiben / Denn wenn es  
schon eine andere seuche were / die yhm  
also ankeme / künde yhm doch das bette  
te lager nicht schaden.

Die auff der strassen odder anders  
wo die seuche an kompt / sollen zum bette  
eilen / vñ sich nicht ausziehen / sondern  
sich einlegen mit den kleidern / auff ramme  
vnd grosse bette die sie auff's nechste  
vberkomen können / doch also / das sie  
dem leibe raum geben durch auff lösen  
der riemen odder schnüre. Vnd so man  
sich



sich fürchtet für schwärmen odder des  
heubts krankheit / das der krancke  
nicht künde stille ynn dem bette sein/  
odder sonst wenn der krancke nicht viel  
raumes odder grosse bette hat / so mus  
man die bett tucher vnd bette zu samen  
nehen / das die lufft nicht hinein kan/  
vnd er deste mehr raum habe / auff das  
er wens von nöthen ist / an anblasen des  
windes vnd lufft / sich müge vmb  
wenden. .

Darzu neme auch yederman sein  
gewonlich bette / vnd lege es auff solche  
stette vnten odder oben yhm hause / da  
kein wind odder lufft müge zu yhm kom  
men / also das man von beiden seiten/  
auch vnten vnd oben / wehren könne /  
das ynn . xxiij. stunden keine lufft sei  
ne glidmasse erkelde.

Item man mus den kranken nicht  
decken mit fedder betten odder pelz des  
cken / auch nicht zu heiss odder zu kalt/  
sondern mit gewands decken / mittels  
messig warm / Vnd man mag die decken  
wol beschweren an den seiten des betts/  
das keine lufft eindringe / so der krancke  
seine



eine beine odder fusse reget / odder sich  
von der einer seiten zu der andern, ke-  
ren wil. .

Keinen wind odder luffe mus man  
den francen an seine glied massen las-  
sen wehn / darumb sol nichts blos sein /  
an alleine das angesichte / das man yhm  
dar von mit warmen tuchern muge / so  
viel man wil / aber wischen den schweis.  
Auch mag man der halstelē bis an den  
gorgelknoff lufft geben / Aber da die  
strasse ynn die brust geht / die grube oder  
gelencke des brustknochens / mus stedes  
warm gehalten werden / das da zu / gleich  
wie vnter die arme vnd andere gleids  
massen / keine lufft komme / Auch sol den  
francen ynn .xxiiij. stunden / zu schlaf-  
fen nicht gestatten werden. So er schla-  
ffet / so steigt die hitze zum heubte vñ  
wird zweifeltig fahr.

Auch n. 13 er nicht kalt getrencke od-  
der starcken tranck trincken / sondern  
mittel bier odder guten karent / warm  
gemacht / aus einer rorkannen bey zwey  
leffel / yhe weniger yhe besser / na / noch  
eines iglichen gewonheit / Wie mag man  
ge



gebruchen Conserua rosarum / Zucker  
Kandi odder ander dinge die das hertze  
stercken mügen.

Sonst sehe iederman wol zu / das er  
von keinem vnersarnen vnd vnuerstend-  
digen arznei nehme / Denn die meisten  
werden erredt on arznei.

Gemeinlich schwitzen die frantzen /  
xij. stunde / darnach leiden sie. viij. odder  
acht stunde grosse hitze / Denn müssen sie  
allermeist vnd auff's aller vleissigest ver-  
waret werden für dem winde vnd kelte /  
auch für dem schlaffe.

So es von nöten ist / mag man den  
frantzen riechen lassen an ein tuch mit  
lauendelwasser / odder Rosenwasser vñ  
wein essig generet. Man mag auch /  
so es die not foddert / den frantzen mit  
Rosenwasser für der nase / auch für dem  
heubte kühlen / doch mit einem tuche das  
nicht sere nass sey.

Vnd wie wol / nach gemeinem lauffe  
dieser frantcheit / vielen leuten durch  
Gottes barmhertzigkeit / mit diesem Re-  
gimente / aus der nott geholffen / vnd vn-  
gezweiffelte zuuersicht zu Gote vnserns



erretter ist/ das menigem der auff Gots  
vertrawet/ auch durch gleiche wege mü  
ge geholffen werden/ So ist doch dis ein  
trewer rad/ das der kranck nach der zeit  
der fahr/ das ist/ nach den. xxiij. stunden  
sich zum wenigsten zween odder drey  
tage der wandelbarn lufft enthalte/ vñ  
seinen ganzen leib warm kleide / vñ  
vom leibe den schweis mit warmen tü  
chern abwische.

Aber wenn man zum ersten den Kran  
cken/ nach den. xxiij. stunden wil vom  
bette auffnehmen/ mus man vleissig auf  
ffsehen haben/ das man yhm warme tü  
cher behende vnter die decke thue/ damit  
ehr ersten den schweis vom leibe wische/  
Dar nach sol man yhm auch geben ein  
hembd warm gemacht/ anzuziehen vñ  
ter der decke/ vñ da mit auffheben vñ  
thun yhm seine Kleider an odder vmb /  
vñ bringen yhn für einen schorstein ob  
der zu einem feur herte/ für ein feur das  
nicht zu gros sey/ vñ geben yhm ein we  
nig zu essen/ so er wil/ doch nicht kalt/ als  
leine zuerquickten/ Denn sol man sein bet  
te vmbkeren / vñ bereiten mit weissen  
gewar



gewarmeten tüchern/ das man yhn/ nach  
ch einer kleinen zeit widder darein lege/  
vnd lasse yhn ein wenig ruhen.

Frawen die geboren haben/ sollen si  
ch etliche tage/ nach der fahr der frantz  
heit/ also regiren/ gleich wie sie gewonet  
sind ynn den sechs wochen/ so lange das  
sie die ganze macht widder fülen.

Jederman verschone seine frantz  
für kaltem getrenck/ so lange bis sie wid  
der ganze macht fülen/ sondern lasse  
den frantz/ die weile die frantzheit  
verhanden ist/ nichts kaltes eingeben.

Doch sollen alle menschen/ mit getre  
wer zuuersicht/ stets Gottes barmher  
zigkeit/ widder seine gerichtete bitten/ er  
wird nymmer die so ym rechten glau  
ben bitten/ trostlos lassen.

Darumb halte man den frantz  
vleißig für/ die wort der Göttlichen ver  
heissunge/ durch Christum vnsern HERRN  
KRIST/ aus dem heiligen Euangelio/  
auch etwas aus den psalmen Dauids/  
sie da mit zustercken vnd zu trösten/ das  
sie tag vnd nacht sich auff Gottes mil  
de barmherzigkeit durch Christum ver  
lassen



fassen/ wie denn/ zu solchem troste ynn  
den letzten nöten / gute tröstliche büche  
sein/ durch frome gelerte lente / beschrie-  
ben sind/ Nach solchem vleis an laib vñ  
seele gewendet / kan man tröstlich die  
franken Gott befehlen. Jederman dan-  
cke Gott für seine gnade/ vns ynn Chris-  
to beweiset. **A M E N.**

## Additio odder ein zu satz.

Das fürgeschriben Regiment / ist  
von Hamburg hie her zu Wittemberg  
gesand/ da auch Gott gnediglich solche  
Seuche durch das selbe hat ganz weg  
genommen/ Denn so schrieb ein Burgers-  
meister von Hamburg/ am Sonnabend  
vor Laurentij. M.D. xxix. iar/ Hie stirbt  
Gott lob/ an der schwindenden Seuche/  
niemand mehr/ vñ ist auch ynn etlichen  
tagen niemand gestorben/ an allein ei-  
ner odder zween trunckenbolt / die sich  
nicht regieren wollen.

Item ein Burger von Hamburg  
schreibt ynn einem brieff also/ von



## dem vorgeschriebnen Regiment.

Kein ander Remedium odder artzney ist widder die Schwitzende seüche/ kein Doctor auch anders helfen kan/ sondern der franche mus die. xxiiij. stunden so ligen ym schweis/ vnd sich bewaren für lufft vnd schlaffen/ da müssen leute bey sein/ die den franchen also bewaren auff dem bette/ das er nicht einen finger eraus stecke/ anders ist es verloren. Man sol dem franchen zuzeiten geben Muscaten blumen gestossen ynn warmen vnd dünnen/ odder nicht starckem getrencke einen löffel fol. Diese Muscaten blumen geben yhe so gute lufft zum hertzen als Conserua rosarum / Man mus dem franchen nicht zu viel vberdecken/ sondern messig. Vnd den die Seüche des tags ankumpt yñ den kleidern/ der mus ynn den kleidern zubette gehen/ zu hosen vnd wammas/ vnd also ligen die. xxiiij. stund/ kein ander Remedium ist da zu. Vnd den es ankumpt auff dem bette/ der mus also ligen bleiben/ on verenderung/ anders mus es nicht sein. Vnd vns  
ter



ter. xxiij. stunden stehet der Francke seis  
ne gefahr zum leben odder zum tode/  
Doch ist es on gefahr / so man sich / wie  
gesagt / regiren wil. Ich habe ynn meis  
nem hanse sieben ligen gehabt an der sel  
ben seuche / von welchen / Gott lob / kei  
ner starb. Diese seuche ist so fere nicht zu  
nermeiden wie die Pestilenz sie henget  
so fer nicht an vnd schmeisset nicht vmb  
sich / darumb mag einer dem andern ynn  
solcher not wol dienen / so viel die not  
foddert.

Andere stücke odder zusatz.

So der Francke wil yhm bette sein  
wasser lassen / mus man yhm das wasser  
glas odder topflin / seuberlich vnd schön  
lich durchs bette reichen / das keine kelte  
mit einkome / Ihe mehr wassers er lesser  
yhe besser es ist. So yhm aber der stuel  
gang not ist / das mag er vnter der decke  
bey dem schweis lassen / so lange das er  
dar aus komme.

Item.

Diese seuche / sie komme mit kälde oda  
ber mit hitze / machet gros schwizen / vñ  
dem menschen wird wehe yber alle seis  
nen



nen ganzen leib:

Etliche kompt sie an mit heschem  
auffsteigen vnd greizen/ vnd schwoizen  
nicht/ den gebe man eine Muscaten blum  
men mit warmen bier so schwoizen sie.

So einem diese seuche widerferet  
vnter einem deckebette/ so schneid mans  
auff/ vnd nehme die federn draus / das  
er alleine die ynled vnd ziehen vber bes  
halt/ Ist sie zu dünne so lege man eine  
decke darauff / doch keine pelz decke/ al  
so das er nicht zu kalt odder zu warm lie  
ge/ bis zum hals bedeckt/ vnd er hüte sich  
das yhm die lufft nicht auff die brust/  
vnd vnter die arme / vnd ballen der  
füsse rüre noch stoss/ vñ werff sich nicht  
viel vmb.

So er schlefft/ so kompt er von den  
sinnen vnd wird tol yhm heubt/ Das  
man yhn aber vom schlaffe enthalte/ so  
nim ein wenig rosen wassers/ vnd streich  
yhm das mit einem schwam odder reiss  
nen tuchlein/ yhn die dunning/ zwischen  
augen vnd oren/ doch nicht zu nass/ vnd  
scharffen weinessig oder bieressig streich  
yhm mit dem schwam odder tuchlin vñ  
die



die nasen / vnd rede stets mit yhm / das  
er nicht schlaffe.

Item man sol yhm auff's heubt setz  
en eine leinene schlaff hawbe vnd eine  
wullene mützen daruber.

Den meisten leuten kompt die frantz  
heit von grossen erschrecken vnd von  
entsetzung / da sol sich ein mensch mit  
grossen vleis fur hütten.

Item etliche / wie wol selten / kompt  
sie aus schwerer arbeit / auch aus vie  
lem hitzigen getrencke.

Man mus dem frantzosen nicht sei  
nen willen lassen / was er yhm wil ges  
than haben / das mus man yhm nicht  
thun.

Wil er schlaffen nach dem Regis  
ment / so die .24. stunden vmb sein / so  
las man yhm frey schlaffen / das yhm  
Gott bewar.



Roma. viij.

Wir wissen/das de-  
nen die Gott lieben / alle dieng zum  
besten dienen / die nach dem fursatz  
beruffen sind.

Gedruckt durch Ga-  
briel Kantz zu  
Zwickaw.  
M.D.XXIX.







